

Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1719

Quæst. 124. Quinam sint personæ constituentes Capitulum.

[urn:nbn:de:hbz:466:1-73957](#)

citati textus juris civilis, quos contra hanc sententiam allegat Reiffenst. num. 40. non videntur satis efficaciter evincere intentum. Cum ex eo, quod jus adeundi hereditatem aut legatum, seu capienda in iis possessionem (quod est ipsum jus in re, vi cuius capitulare possesso,) dependeat ad acceptatione, & non nisi ab ea seu post illam nascatur, non videatur sequi, jus quoque ad rem, vi cuius acceptare potest, non nisi post acceptationem oriiri. Quod etiam ex eo confirmari videtur,

quod, dum quis pessundat, quod alteri legatum, etiam ante acceptationem, legatario faciat strixie injuriam, privando illum hoc jure ad rem, utpote quod extinctione rei legata extinguitur. Huc quoque facere videtur textus *L. à Tito. ff. de furris.* ubi dicitur; ea quæ legantur rectâ via ab eo, qui legavit, ad eum, cui legata sunt, transiunt. Intelligendo illum textum quod ad jus ad rem, etiam ante acceptationem; & quod ad jus in re non nisi post acceptationem. Verum de his plura addit. 13.

TITULUS XI.

De his, quæ fiunt à majore parte Capituli.

Quæst. 123. Nomine Capituli quid intelligatur?

Resp. Nomen hoc usurpatum primò pro distinctione unius materie ab alia; & sic dicuntur Capitula decretalium. Secundò pro loco, in quo Canonici congregantur, resque ad eos pertinentes ab iis deciduntur. Tertiò magis ad præsentem rubricam ejus appellatione venit universitas secularium vel regularium seu collegium certarum personarum ecclesiasticorum, certa aliqui ecclesiæ aut monasterio adscriptarum, in unum congregatarum seu collegialiter convenientium.

Quæst. 124. Quænam igitur sint persone illæ certæ constituentes Capitulum?

Resp. primò in genere: Non omnes, qui eidem ecclesia Cathedrali vel collegiata adscripti, illi deserviunt, constituant Capitulum, seu sunt de Capitulo. V. gr. Capellani, Vicarii, portionarii, aliqui beneficiarii non Canonici, in celebrazione Missarum choroque assistentes absque eo, quod vocem in Capitulo habeant, aut tractatibus communibus interficiunt, praescindendo à privilegio. Barbos. *de can. & dignit. c. 37. num. 17.* citatis Gl. *ad c. penult. de cler. non resid. v. assissos.* ubi, quod beneficiati tantum debeat servire ecclesiæ, non autem vocari ad communes tractatus item Abb. *ibid. num. 9.* Butrio *num. 8.* Cæsar. de Graff. *decis. 4. b. t.* ubi dicat, Capitulum habere intentionem fundatam de jure communii privativè ad beneficiatos, intellige, interessendi tractatibus communibus cum jure ferendi suffragii. Quin &, ut idem de Graffis. *loc. cit. num. 14.* & Rota *decis. 370. p. 5. recent. num. 1. & 2.* beneficiatis, cum in ecclesia sint ut singuli, interdicta de jure sit facultas se congregandi, sed soli Canonici constituant Capitulum seu sunt capitulares. Abb. *in c. scriptum. de elect. num. 4.* Barbos. *loc. cit. num. 15.* citatis Rotæ, *decis. 708. p. 2. recent.* & juxta illam Rubeo *in singular.* Rota *Tom. 2. p. 2. circa stylum. v. capitulum. §. 1. num. 2.* Lotter. *de re benef. l. 1. qu. 15. à n. 21.* ita, ut etiam Praepositi, dum non Canonici, non constituant unâ cum Canonicis Capitulum. Abb. *loc. cit.* Idem est de aliis dignitatibus, si canonicali præbenda careant. Abb. *loc. cit.* Azor. Rendina. Raguc. & alii apud Barbos. *loc. cit. num. 14.* citantem insuper seipsum, *de off. & potest. Episc. p. 1. tit. 1. c. 3. num. 18.* & Seraph. *decis. 98. num. 1.* Ubi is, quod de jure communii dignitates non sint de Capitulo, nisi in eaurum electione exprimatur concessio stalli in choro, vocis in Capitulo; vel nisi statuto vel consuetudine disponatur, quod sint de Capitulo. De Decano di-

citur specialiter infra. Et quidem non omnes Canonici, sed solum, qui præter Canoniam ratione hujus jus suffragii habent alicubi, præsertim in Germania, etiam Canonici supernumerarii (alias nuncupati domicellares,) non pertinent ad Capitulum, nec sunt ad illud vocandi. Unde etiam ad Capitulum non spectant Canonici, qui nullo adhuc ordine sacro initiati; quia hi jure communii moderno, dum alias jure antiquiore Canonici, hoc ipso, quod essent tales, & omnes profecti in monasteriis, eti nondum sacriss iniciati id poterant. *Can. fin. 16. q. 7. c. 1. de elect.*) vocem in Capitulo in electionibus & tractatibus communibus non habent juxta Clem. 2. *de stat. & qualit. & decretum Trid. Seff. 22. c. 4. de reform.* Azor. *instit. mor. p. 2. l. 3. c. 11. qu. 20.* Monet. *de distrib. quotid. p. 2. qu. 20. à n. 3.* Tambur. *de jure Abb. Tom. 1. qu. 8. n. 8.* Garc. *de benef. p. 3. c. 4. n. 24.* Laym. *qq. de elect. prelat. qu. 181. resp. 3.* Ragul. *de voce can. in Capit. qu. 24.* & alii, quos magno numero citat & sequitur Barbos. *loc. cit. n. 3.* Ita etiam, ut Capitulum super hoc dispensare nequeat, & vocem concedere aliqui, qui non sit ad minimum Subdiaconus. Monet. *loc. cit.* Zerol. *in pr. episc. p. 3. v. Canonia. §. 5.* Piasc. *pr. episc. p. 2. c. 3. num. 7.* Nav. *conf. 7. de cler. non resid.* Barbos. *loc. cit. n. 5.* Neque etiam, ut idem n. 6, citans pro hoc S. Cong. Concil. *sub die 20. April. 1603.* Canonicus id ipsum praescribere, aut aliquo pacto acquirere possit. Quod minus tamen Canonici, vel etiam alii clerici, qui jure Canonice non habent jus suffragii, carentes Ordine sacro, illud habeant alio speciali jure, puta, ex privilegio vel fundatione, nil veterat. Garc. *p. 3. addit. ad c. 4. n. 31.* Portel. *in di regular. v. electio. n. 6.* Barbos. *loc. cit. num. 8.* Wiesn. *b. t. num. 4.* Ut etiam Professi Ordinum militarium & moniales absque eo, quod sine in Ordine sacro, sua capitula celebrare possunt juxta Gl. *in clem. 2. de stat. & qualit. v. mancipati.* Quin etiam Praelato principali ecclesiæ collegiate competere praesidentiam & vocem in Capitulo, eti sacram ordinibus careat, asserit Barbos. *loc. cit. num. 11.* citatis Ragul. *loc. cit. c. 5. n. 3.* & Garc. *in addit. ad c. 4. part. 3. sub num. 26.* De cetero in ordine ad habendum vocem in Capitulo per se non spectat ætas, ita ut Canonicus dispensatus à Papa ante legitimam ætatem ad subdiaconatum, ad hunc promotus, vocem habeat in Capitulo, cuius incapax erat, non per se & principaliter ratione ætatis modo annos discretionis habeat,) sed ratione defectus ordinis talem ætatem poscentis. Barbos. *loc. cit. num. 9.* citatis Felin. *in c. postulati. de rescript. n. 12.* Sanch. *de matrim. l. 8. d. 1. n. 23.* Tamb. *de jure Abb. Tom. 4. d. 5. qu. 8. num. 10.* Suar. *de relig.*

R. P. Lœur. *Jur. Can. Lib. III.*

relig. Tom. 4. tr. 8. l. 2. c. 4. n. 9. De dispensato verò in aetate in ordine ad consequendum Canoniciatum dicitur quidem juxta sententiam S. Cong. Concil. de 15. Sept. 1629. apud Barbos. loc. cit. num. 13. quod habere possit vocem in Capitulo, ipse tamen verius censet juxta resolut. Rota in caus. Senens Archipresbyt. de 23. Junii. 1606. illam dispensationem cum eo ipso sè non extendat ad sacram ordinem sufficiendum, cui votum seu vox in Capitulo annexa, impediri adhuc ab ea ferenda. Vide eundem. Nihilominus quod spectat ad aetatem, statuto vel consuetudine capitulari induci potest in certis ecclesiis, ut Canonici, etiam constituti in facris, ad Capitulo ante certos annos à nativitate, vel ab apprehensa Canoniciatis possessione, aut à suscepito ordine non admittantur. Wiesn. b. t. num. 5. Quemadmodum etiam in quibusdam religiosorum ordinibus jure speciali juxta specialia eorum statuta à Sede Apostolica approbata non nisi soli Sacerdotes seu Patres nomine Capituli veniant, & negotiorum collegialiter gerendis interesse posunt. Donat. pr. regular. Tom. 2. p. 1. tr. 2. qu. 8. uti è contra juxta familia statuta specialia in quibusdam Ordinibus professi, etiam juniores, dum magni momenti negotia tractanda sunt, admittantur Engels b. t. num. 7. Similibus statutis non adversante, quod, ut cit. Clem. & Trident. generiter adimat vocem non constitutis in sacris; cum clausula: non obstantibus quibuslibet consuetudinibus & statutis: cum per hoc derogare non intendant hujusmodi statutis Ordinum religiosorum à Sede Apostolica approbatis juxta declarat. S. Cong. Concil. de anno 1573. apud Zypeum in analis. juris pontif. h. t. n. 2. Portel. loc. cit. v. electio. n. 5. Et.

*Quæst. 125. An nomine Capituli veniat
Praelatus, & in specie Decanus, item
Vicarius & Coadjutor Episcopi?*

1. Resp. ad primum: Praelatus, puta Episcopus, Abbas non venit nomine Capituli, seu una cum capitularibus constituit Capitulo, sed ut diversa & unum in altero non contentum distinguuntur, licet de cætero faciant unam ecclesiam, veluti caput & membra unum corpus; & sic dici potest spectare ad ecclesiam, non verò ad Capitulo ecclesia. Gl. in cit. Clem. V. in eisdem. Abb. in c. post electionem. de concess. prob. n. 8. & 9. Barbos. ibid. num. 3. Pirh. b. t. num. 1. Reiffenst. num. 5. contra Tusch. lit. C. conclus. 46. & Anch. conf. 248. num. 12. constare hoc ipsum videtur ex Titul. de his, que sunt à Praelatis sine consensu Capituli; dum ibi Praelatus & Capitulo contradistinguuntur; & Praelatus tanquam superior Capituli sub eo comprehendendi nequit. Et hæc quidem propriè & in rigore loquendo; nam in largiore significacione & in materia favorabili nomine Capituli comprehendendi etiam Praelatum veluti caput illius principale, fatetur cu. Gl. in Clem. 2. & Abb. loc. cit.

2. Resp. ad secundum: Decanus propriè est pars & quidem præcipua Capituli, adeoque in eo veluti toto continetur, ut probatur ex c. post electionem. de concess. prob. ubi resolvit Papa contramentem capitularium, quod literæ directæ ad Capitulum, in quibus nulla mentio facta de Decano, nihilominus eum affecterint. Unde Gl. ibid. v. mention. inquit: nec erat necesse facere mentionem de parte, id est, Decano; cum pars teneatur in toto; & ita teneant Abb. in idem c. num. 9. Pirh. loc. cit. Reiffenst. b. t. num. 5, cum communī. Quamvis

Fagn. in c. ut Abbates, de etat. & qualitate. n. 22. cum Abb. in c. cum inter universas. de elect. n. 2. dicat, Decanum non esse de Capitulo, nisi simul sit Canonicus, vel nisi si habeat consuetudo. Item Barbos. de Can. & dignit. c. 27. num. 12. dicat Decanis, Archipresbyteris, Prioribus, qui Praelati non sunt, licet etiam non constituti in sacris convocare possint Capitulum, & in eo proponere, & resolutiones recipere, ut ex declarat. S. Cong. probant Garc. loc. cit. & Gratian. discept. for. Tom 4. c. 482. num. 26. non competere vocem in Capitulo, stante dispositione cit. Clem. 2. & Concil. Trid. Unde inferre licebit, Decanum, si Praelatus est, (uti sunt in hisce partibus Decani, & Decanatum esse dignitatem ex Abb. & Archid. afferit Fagn. loc. cit.) vocem habere in Capitulo, & hoc indubitate, si simul sit Canonicus.

3. Resp ad tertium, Vicarium generalem Episcopi, dum Canonicus est, esse de Capitulo, & vocem in eo habere, dubium non est; quamvis sedere debeat, & dare votum loco suo Capitulari, habito nimis respectu Ancianitatis & dignitatis caterorum Canonicorum. Ventrigl. Tom 2. annot. 14. §. 2. n. 14. citans Abb. conf. 21. vol. 1. Grienzenz. conf. 122. num. 5. Barbos. loc. cit. c. 15. num. 12. & si tractandum de rebus ad sui vel Episcopi sui commodum spectantibus, debet exire de Capitulo. Ventrigl. Barbos. LL. cit. testantes, sic decisum à Cong. proposita negot. Episcop. & regular. Si verò Canonicus non est, adeoque nec de Capitulo, eidem intervenire nequit, etiam absente Episcopo. Ventrigl. loc. cit. num. 15. Pignat. consult. 154. num. 6. Unde etiam eum admittere non tenentur Canonici, eti possint, ut Ventrigl. & Barb. LL. cit. nisi forte de consuetudine vel alio iure speciali id ei competret, aut etiam interveniret ad fervanda scandala tumultuantum in Capitulo Canonicorum. In quo casu eum admittere tenentur, eti tunc nullum possit ferre suffragium. Ventrigl. loc. cit.

4. Resp. ad quartum: Idem ferè dicendum de Coadjutori Episcopi aut alterius Canonici, ut dum ejusdem Capituli Canonicus non est, & si Canonicus illius est, secundum Castr. rr. 13. d. 1. p. 10. debeat exire de Capitulo, quoties tractatur negotium illius aut coadjuti utilitatem principaliter concernens, negantibus id ipsum. Garc. p. 4. c. 5. n. 105. Barbos. Jur. eccles. l. 3. c. 10. num. 95. Ventrigl. Tom. 2. annot. 13. num. 6c. eo quod eo ipso non agat nomine coadjuti, sed nomine proprio & ecclesia. Unde etiam ait Remouch. de coadj. c. 15. num. 6. quod licet Coadjutor in causa ipsius coadjuti non possit interesse Capitulo tanquam Coadjutor, nihilominus in qualitate Canonici non denegandum ei suffragium modo id dandum non sit in causa coadjutoriae.

*Quæst. 126. Quando & per quem conve-
candum Capitulo?*

1. Resp. ad primum: Capitulo eti non ad libitum illius, eius est illud convocare, convocabundum. Ragus. de voce Can. in Capit. quæst. 21. num. 1. Fagn. in c. his que. de major. & obed. n. 14. Sed consuetis temporibus & diebus ad hoc definitis; potest nihilominus convocari, quoties illi, ad quem spectat, videbitur expedire servitio ecclesiæ, aut etiam quoties illud convocari institerint Canonici. Barbos. loc. cit. c. 5. num. 1. testans sic censuisse S. Cong. propositam negot. Episc. & Regular. in Ripana die 6. Octob. 1617.

2. Resp.